

derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, eorum tenores presentibus pro plene, & sufficienter expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Dar. die 23. Septem. 1628. An. VI.

Datum Romae apud Sanctam Mariam Majorem sub Annulo Piscatoris, die vigesimatertia Septembris 1628., Pontificatus nostri Anno VI.

CCLXXXIII.

Ex Regest. in Secret. Breve.

Facultas Julio Buratto Fortalitium Forte Urbano vulgo nuncupatum conceditur extruendi.

Dilecto filio Julio Buratto Romano.

URBANUS PAPA OCTAVUS

Dilecte fili salutem, & apostolicam benedictionem.

Rationes erigendi Fortalitium.

§.1. Quod à Romae Pontificibus Praedecessoribus nostris pro Sanctae Romanae Ecclesiae ditionis temporalis, & praesertim Civitatis nostrae Bononien. ejusque territorii tuitione ad Sedis Apostolicae hostium incursiones impediendas, aliasque improvisas locorum dictae ditionis invasiones, direptioneque propulsandas, provide excogitatum fuerat, de constituendo in apertis illis partibus fortalitio, sive propugnaculo, eorumdem tamen praedictorum superveniente obitu executioni minime demandatum fuit.

Pontifex Julio Buratto illud erigendi facultatem concedit.

§.2. Nos hoc tempore, quo bellorum procella Italiam percurrunt, & major tempestas timetur, ad finem debitum perducere volentes, ac de tua in Nos, & hanc Sanctam Sedem fide, & devotione, ac in executionibus militaribus erigendis peritia plurimum in Domino confisi; Motu proprio, & ex certa scientia, ac matura deliberatione nostris, deque apostolicae potestatis plenitudine Tibi, per praesentes committimus, & mandamus, ut in loco per Nos inter Castrum francum dictae ditionis, & flumen Panarae, ejusque territorii Bononien. destinato, fortalitium, sive propugnaculum hujusmodi Forte Urbano lingua vulgari nuncupandum, juxta typum, & exemplar per te Nobis exhibitum, nostro, & ejusdem Sanctae Sedis nomine, nostraque auctoritate construas, fabrices, erigas, & aedifices, constructisque, fabricari, erigi, aedificari cures, & facias.

Quod vultum nitionibus instructum.

§.3. Ac constructum, fabricatum, erectum, & aedificatum, armis, Militibus, commeatu, aggeribus, fossis, aliisque operationibus, & munimentis, ac rebus necessariis, & opportunis munitis, custodias, & defendas.

§.4. Ut autem omnia, & singula, quae ad praemissa pertinent, ea qua decet auctoritate, praecipiantur, & pari celeritate debite executioni demandentur, ad praemissorum, & cujuslibet ipsorum dumtaxat effectum, quoscumque Civitatum, terrarum, & locorum status nostri ecclesiastici Gubernatores, Superiores, exequutores, aliosque officiales, & Ministros quocumque nomine nuncupatos, necnon Barones, Domicellos, Principes Civitatum, terrarum, & locorum praedictorum Communitates, universitates, & homines, ac viros reformatos status libertatis, necnon Regimen ipsum dictae Civitatis Bononien. eadem auctoritate requiras, ut tibi in praemissis omnibus, & singulis peragendis, & exequendis prompte pareant, faveant, & assistant, opemque, & auxilium, secundum rei, & casus exigentiam, omni dilacione postposita, praestent.

Mandat omni bus Gubernatoribus, ut die 30 Julio operentur.

§.5. Ac tam omnibus, & singulis supra dictis, quam quibuscumque Militibus, etiam praesidiariis, & stipendiariis, necnon Militiarum ordinariorum Civitatis Bononien., ejusque territorii praedictorum, ac generaliter aliis quibuscumque Nobis, & eidem Sanctae Romanae Ecclesiae in temporalibus subditis, & speciali nota, & expressione dignis, etiam sub crimine laesa Majestatis in primo capite, ac rebellionis, necnon confiscationis, ac devolutionis civitatum, terrarum, castrorum, locorum, & bonorum quorumcumque per eos, & eorum quemlibet possessorum, penes, pari auctoritate, toties quoties tibi expediens videbitur, injungas, mandes, jubeas, & imperes, omnia, & singula, quae ad constructionem, fabricam, erectionem, & aedificationem fortalitii, seu propugnaculi hujusmodi, illiusque custodiam, munimentum, & tuitionem necessaria, & quomodolibet opportuna fore judicaveris.

Quod etiam a Militibus praestari praecipit.

Sub penis hic expressis.

§.6. Nos enim tibi ad effectum praemissum dumtaxat omnia, & singula praemissa faciendi, dicendi, gerendi, & exequendi dicta auctoritate ten. praesentium plenam, liberam, & amplam facultatem, & potestatem concedimus, & impertimur.

Necessariusq; addit facultatem.

Ejus jussa fieri mandat.

§.7. Mandantes propterea Legatis, & Vicelegatis Bononien., & Ferracien., ac Praesidi, & Gubernatoribus Romandiola, aliarumque Provinciarum Ditionis nostrae praedictae, ut per te requisiti in omnibus ubi opus erit assistant. Gubernatoribus vero, Civitatum superioribus, exequutoribus, officialibus, Ministris, Baronibus, Domicellis, Principibus, Communitatibus, Universitatibus, viris, Reformatoribus, Regimini, ac Militibus, aliisque subditis nostris praedictis omnibus, & singulis, ut in praemissis exequendis tua iussa, monita, & mandata, ea, qua decet obedientia, & fide exequantur, & adimpleant, alioquin sententiam, sive poenam, quam rite tuleris, seu statueris in rebelles, ratam habebimus, & faciemus, auctore Domino, usque ad satisfactionem

Obstantia tollit.

tionem condignam inviolabiliter observari.

§.8. Non obstantibus Constitutionibus, & Ordinationibus Apostolicis, ac Civitatum, terrarum, Castrorum, & locorum status ecclesiastici praedicti, ac etiam ejusdem Regimini Civitatis Bononien. praedictae, etiam juramento confirmatione apostolica, vel quavis firmitate, alia roboratis statutis, & consuetudinibus privilegii quoque, indultis, & Literis Apostolicis in contrarium praemissorum quomodolibet concessis, confirmatis, approbatis, & innovatis. Quibus omnibus, etiam si pro sufficienti eorum derogatione, de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret illorum omnium, & singulorum ten. presentibus pro plene, & sufficienter expressis, & ad verbum insertis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Ipsumque Jurium subiectum reddit Carolo Barberino totius Militiae Capitaneo generali.

Dar. die 23. Septem. 1628. An. VI.

§.9. Volumus autem, ut tu in omnibus, & singulis praemissis peragen., & exequendis dilecto filio Nobili viro Carolo Barberino nostro secundum carnem fratri germano, totius militiae nostrae, & ejusdem Sanctae Romanae Ecclesiae, ejusque universae ditionis, tam pedestris, quam equestris praesentis, & futurae Capitaneo generali immediate subiectus, subordinatusque iis, ejusque praecipitis, iussionibus, & mandatis omnino parere debeas, & tenearis.

Datum Romae apud Sanctam Mariam Majorem, sub Annulo Piscatoris die vigesimatertia Septembris 1628. Pontificatus nostri Anno VI.

CCLXXXIV.

Ex Regest. in Secret. Breve.

Confirmatio declarationum circa facultates Collectoris Portugalliae, & Commissarii Cruciatum.

Ven. Fratris Laurentio Episcopo Hieracon. Jurium, & spoliarum Camerae Apostolicae debitorum in Portugallia, & Algarbiorum Regnis Collectori generali.

URBANUS PAPA OCTAVUS

Ven. Frater salutem, & apostolicam benedictionem.

Declaratio Cardinalium, & Praetorum: scilicet Commissarium Cruciatum non posse facultatem concedere Missas celebrandi, nec etiam audienti in Oratorio privati.

§.1. Cum, sicut accepimus in controversis inter Te, & pro tempore existentem Jurium, & spoliarum Camerae Apostolicae debitorum in Portugallia, & Algarbiorum Regnis Collectorem generalem ex una, ac dilectum filium Antonium Mascarenhas Indulgentiarum, & gratiarum spiritualium, & temporalium Cruciatum in Portugallia, & Algarbiorum Regnis ab Bull. Rom. Tom. VI. Par. I.

hac Sancta Sede concessarum Communitarium generalem, apostolica auctoritate deputatum, ex altera partibus ortis, Ven. Fratres nostri S. R. E. Cardinales super hoc à Nobis specialiter deputati cum interventu etiam Praelatorum à Nobis pariter ad hoc deputatorum, negotio mature examinato, partibusque hinc inde informantibus pluries auditis declaraverint, & resolverint, praedictum Antonium Commissarium non potuisse, nec in futurum posse, vigore Literarum Apostolicarum ejusdem Cruciatum concedere licentiam celebrandi, necnon audiendi Missas in Oratorii privatis, seu domesticis, & ideo licentias hactenus per ipsum Antonium Commissarium concessas, & de cetero forsan concedendas fuisse, & esse, ac fore nullas, & invalidas; Ac insuper, quod quando idem Antonius Commissarius procedit, uti merus exequutor dictarum Literarum Cruciatum, nec egreditur limites suae commissionis, tunc ab executione eorumdem Literarum Cruciatum, non dari appellationem, nec ad effectum devolutivum, nec suspensivum, sed quando excedit limites suae Commissionis, aut gravat partes, posse, saltem per viam quarelae, recursum haberi ad Collectorem, uti superiorem, qui potest, servatis Sacris Canonibus, inhibere, & postea cognito plene de gravamine, vel excessu, illud, seu illum emendare, & providere, prout Justitia exigit; Idemque posse dictas partes facere, quando Commissarius procedit uti Judex, aut mixtus Exequutor; Verum in casibus in quibus Jus commune expresse concedit appellationem posse partes appellare, & Collectorem appellationem ad utrumque effectum recipere, & modo superius, d. inhibere.

Dat. die 15. centias irritas esse.

Non dari appellationem ab ejus tenentibus, quando limites suae Commissionis non excedit.

Quando autem limites excedit, tunc ad Collectorem recurrit posse.

§.2. Cumque postea super declarationibus, seu resolutionibus praedictis exorta fuissent sequentia Dubia, videlicet: Primum, Ad quem spectaret cognoscere an Commissarius Cruciatum gravaverit partes, vel excesserit uti mixtus exequutor, vel an appellationes fuerint interpositae in casibus, in quibus Jus commune expresse illas permittit; secundarie vero, quando censetur Commissarius procedere uti merus, vel mixtus exequutor. Ac demum an Commissarius praedictus, & Notarius Cruciatum possint cogi ad tradendum acta, ad effectum, ut Collector de praemissis cognoscat, & an idem Commissarius parere teneatur inhibitionibus desuper sibi à Collectore factis, si ve faciendis.

Dubia deinde exorta.

§.3. Idem Cardinales una cum Praelatis praedictis articulis hujusmodi exacte discussis, ad primum Dubium responderint praedictam cognitionem spectasse, & pro tempore spectare ad Collectorem uti Superiorem Commissarii Cruciatum. Ad secundum vero, tunc eundem Commissarium procedere, uti merum Exequutorem, quando abique judiciali cognitione exequitur purum, & nudum factum super rebus expressis in eisdem Literis Cruciatum, mixtum vero exequutorem dici, quando assumit judicialem cognitionem super re prius non cognita, aut quando se opponit aliquis legitimus

Dubiorum resolutiones.

mus Contradictor. Ad Tertium denique, posse eundem Commissarium, & eius Notarium cogi à Collectore ad tradendam acta, & quemadmodum Collector postquam ceperit cognoscere de gravaminibus, seu excessibus supradictis, aut an appellationes sint admittenda, possit canonicè inhibere eidem Commissario, ita Commissarius tenetur huiusmodi inhibitioni parere; Interim autem, quo acta transportantur coram Collectore, possit idem Collector concedere supersestorias ad tempus, sive actu denegentur, sive malitiose eorum transportatio differatur, sive alia extent qualitates, & circumstantia, ex quibus in aliis casibus idem faciendum sit.

Quibus resolutionibus cum non acquiescent Commissarius

§.4. Et licet dictus Antonius Commissarius se declarationibus, seu resolutionibus predictorum Cardinalium pariturum promiserit, nihilominus propriae salutis immemor, declarationes, seu resolutiones eisdem parvi pendens, iis non solum cum effectu parere recusaverit, verum etiam dictas Sacrosanctum Missae Sacrificium in privatis Oratoriis, ut praefertur, celebrandi, licentias concedere, & ad hunc effectum Literas Apostolicas super concessione gratiarum spiritualium, & temporalium dictae Cruciatæ emanatas alterare, in iisque, quod licentias huiusmodi concedere possit, adungere, easque Literas sic alteratas, sive earum exempla, etiam impressa, publicari facere praesumpserit, aliaque quamplurima in auctoritatis huius Sanctae Sedis praedictum, & contemptum ac contra declarationes, seu resolutiones huiusmodi facere, dicere, & gerere non erubuerit.

Eas confirmat Pontifex.

§.5. Nos praemissis pro muneris nostri debito, quantum cum Domino possumus, opportune providere volentes, Motu proprio, & ex certa scientia, ac matura deliberatione nostris, omnes, & singulas declarationes, seu resolutiones supra expressas huiusmodi cum omnibus in eis contentis, & inde sequentibus quibuscumque, apostolica auctoritate tenore praesentium approbamus, & confirmamus, illisque inviolabilis apostolicae firmitatis robur adiciamus, ac omnes, & singulos, tam juris, quam facti, & quosvis alios etiam quantumvis substantiales defectus, si qui in praemissis quomodolibet intervenerint, aut intervenisse dicit, vel praetendi possent, supplemus.

Mandat Nuncio Apostolico ut Commissario inhibeat, quominus praerelata attentet.

§.6. Praeterea motu, scientia, & deliberatione similibus tibi per praesentes committimus, & mandamus, ut eidem Antonio moderno, & pro tempore existenti gratiarum dictae Cruciatæ in eisdem Regnis Commissario sub excommunicationis majoris latae sententia, ac privationis Beneficiorum, Dignitatum, ac Officiorum quorumcumque, etiam speciali nota, & expressione dignorum, inhabilitatisque ad illa, & alia imposterum obtinenda, poenis eo ipso absque ulla declaratione incurrendis auctoritate nostra precipias, & mandes, ne licentias Sacrosanctum Missae Sacrificium in privatis Domorum Oratoriis celebrandi, seu respective celebrari faciendi, quibusvis personis cujuscumque

dignitatis, status, gradus, ordinis, & conditionis existentibus quavis ex causa, vel quaesito colore, aut praetextu concedere, nec Literarum Apostolicarum super concessione dictae Cruciatæ confectarum, ut praefertur, summaria, vel exempla, Literis concessionis praedictae Cruciatæ non conformia, imprimere, seu publicare, aut imprimi, vel publicari facere audeat, seu praesumat, nisi prius eadem summaria, vel exempla a te, seu de tuo mandato per personas ad hoc idoneas a te deputandas revisa, & si opus fuerit correcta, & emendata, & cum eisdem Literis diligenter collata fuerint.

Clausulas necessarias apponit.

§.7. Decernentes praesentes Literas, & in eis contenta quaecumque quovis praetextu, causa, vel quaesito colore de subreptionis, vel obreptionis, seu nullitatis vitio, aut intentionis nostrae, vel alio quocumque defectu notari, impugnari, redargui, infringi, vel retractari, in Jus, vel controversiam vocari, aut adversus illas quodcumque Juris, gratiae, vel facti remedium intentari, seu impetrari, aut sic impetrato, vel concessio quempiam illo uti, seu se juvare in iudicio, vel extra nullo unquam tempore posse, sed illas, ac omnia, & singula in eis contenta semper, & perpetuo valida, firma, & efficacia existere, & fore, suosque plenarios, & integros effectus sortiri, & obtinere, atque a praedicto Antonio moderno, & pro tempore existente gratiarum Cruciatæ huiusmodi Commissario, ac aliis, ad quos spectat, & in futurum quomodolibet spectabit, inviolabiliter observari; sicque, & non aliter in praemissis omnibus, & singulis per quoscumque Judices ordinarios, & delegatos, etiam causarum, Palatii Apostolici Auditores, ac eisdem Sanctae Romanae Ecclesiae Cardinales etiam de latere Legatos, & Nuncios quavis auctoritate fungentes in quavis causa, & instantia; sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definituri debere, ac irritum, & inane quicquid fecerit super his a quoquam quavis auctoritate scienter, vel ignoranter contigerit attentari.

Contrariis derogat.

§.8. Non obstantibus Constitutionibus, & Ordinationibus Apostolicis, ac quibusvis statutis, & consuetudinibus, etiam iuramento, confirmatione apostolica, vel quavis firmitate alia roboratis statutis, privilegiis quoque, indultis, & Literis Apostolicis eidem Commissario, ac quibusvis aliis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & decretis in genere, vel in specie, ac alias in contrarium praemissorum quomodolibet concessis, confirmatis, & innovatis. Quibus omnibus, & singulis, etiam si pro sufficienti eorum derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret,

foret, illorum omnium, & singulorum tenores, praesentibus pro plene, & sufficienter expressis, & insertis habentes, hac vice dumtaxat specialiter, & expresse derogamus, ceterisque contrariis quibuscumque.

Dat. die 28. Septem. 1628. An. VI.

Datum Romae apud S. Mariam Majorem sub Annulo Piscatoris die 28. Septembris 1628. Pontificatus nostri Anno VI.

Ex Regest. in Secret. Brev.

CCLXXXV.

Facultas Nicolao Guidobagno Marchioni Montisbelli, Caroli Barberini in Provincia Romandiolae Locumtenenti, eveniente obitu Ducis Urbini eam Provinciam tuendi, & per se, vel suos Ministros manu armata Ducatum, & Civitates huiusmodi custodiendi.

URBANUS PAPA VIII.

Ad futuram rei memoriam.

Procurator.

Facultas Nicolao Guidobagno de qua in Rubrica.

§.1. Hinc est, quod Nos, quantum cum Domino possumus, opportune providere volentes, ne ullum huic Sanctae Sedi, ex quovis casu progressu temporis eveniente, praedictum inferatur, in temporalibus eius ditione, & praesertim in Ducatu Urbini, necnon Civitatibus Senogallien., & Pisaren., & Statu Montis Feretrani, aliisque dominiis, Civitatibus, Oppidis, terris, & locis, in, & sub Statu dicti Ducatus Urbini ad praesens quomodolibet comprehensis, & per dilectum filium nobilem virum Franciscum Mariam Urbini Ducem possessis, quae omnia, & singula succedente ipsius Francisci Mariae Ducis sine liberis, & descendentibus masculis legitimis, & naturalibus obitu, ob lineam finitam, una cum omnibus eorum territoriis, districtibus, jurisdictionibus, fortalitiis sive propugnaculis, membris, juribus etiam prohibendi, ac pertinentiis necessariis, excepto castro Podii Hybernorum, & aliis bonis non feudalis, nec jurisdictionalibus relaxatis, & reservatis eidem Francisco Mariae Duci, ejusque haeredibus, & successoribus, etiam in instrumentis Concordiae celebrato sub die 30. Aprilis 1624. avertentur, ac ad Nos, & Rom. Ecclesiam, Sedemque, & Cameram Apostolicam revertentur, devolvantur, & pleno jure pertinebunt; Necnon de singulari dilecti filii Nicolai Guidobagni Marchionis Montisbelli ejusdem nostrae ditionis erga Nos, & Sedem eandem devotione, ac probata in re militari fide, & experientia plurimum in Domino consilii; Motu proprio, & ex certa scientia, ac matura deliberatione nostris, deque apostolica potestate plenitudine eidem Nicolao, quem nuper dilectus filius nobilis vir Carolus Barberinus noster secundum carnem frater ger-

manus totius militie nostrae, & ejusdem Sanctae Romanae Ecclesiae, ejusque universae ditionis praedictae, tam pedestris, quam equestris praesentis, & futurae Capitaneus generalis, suum in Provincia nostra Romandiolae Locumtenentem deputavit, ut non solum praedictam Provinciam Romandiolae, iis omnibus modis, muneri Locumtenentis huiusmodi convenientibus, & ad illum quomodolibet spectant., tueri, & defendere, verum etiam, eveniente dicti Francisci Mariae Ducis obitu, seu alio quocumque casu, juxta ipsius Caroli Capitanei generalis iussa, monita, instructiones, & mandata in Ducatum Urbini, statum Montisferetrani., ac Civitates, dominia, terras, castra, fortalitia, & loca supradicta per se, sive suos Ministros, & substitutos etiam armata manu ingredi libere, & licite possit, & valeat, ad effectum Ducatum, & statum praedictos, ac Civitates, dominia, Castra, Terras, Fortalitia, & loca huiusmodi realiter, & cum effectu custodiendi, seu tuendi, eaque etiam, si opus fuerit, recuperandi ab omni, & quocumque, qui ea invadere, seu occupare, seu alius quodvis praedictum in Ducatu, ac statu, necnon Civitatibus, Dominiis, Castris, Terris, Fortalitiis, & locis huiusmodi eidem sedi inferre ausu temerario praesumeret, plenam, liberam, amplam, & omnimodam facultatem, potestatem, & auctoritatem ten. praesentium ad nostrum, seu dicti Caroli beneplacitum concedimus, & impertimur.

Mandat eide, ut praedictorum locorum possessionem, Laurentio Episcopo Casenaten. moderno, ad eius requisitionem tradat.

§.2. Volumus autem, ut dictus Nicolaus possessionem Civitatum dictorum Castrorum, Terrarum, Fortalitorum, & locorum huiusmodi, quam per se vigore praesentium assequi contigerit, Venerabili Fratri Laurentio Episcopo Casenaten. moderno, & pro tempore existenti Ducatus, & aliorum Dominiorum huiusmodi Gubernatori, sive ejus deputando ad omnem ejus requisitionem consignare teneatur.

Obstantibus derogat.

§.3. Non obstantibus Constitutionibus, & Ordinationibus Apostolicis, ceterisque contrariis quibuscumque.

Dat. die 2. Octobr. 1628. An. VI.

Datum Romae apud Sanctam Mariam Majorem, sub Annulo Piscatoris die secunda Octobris 1628. Pontificatus nostri Anno VI.

CCLXXXVI.

Ex Regest. in Secret. Brev.

Confirmatio Decreti Congregationis Concilii Tridentini, quo declaratur, Episcopos posse uti opera duorum Canonorum, sive Cathedralis, sive Collegiate Ecclesiae, eosque interim percipere posse, dum vacant Episcopi servitio, fructus Praebendae, amissis distributionibus quotidianis.

URBANUS PAPA VIII.

Ad futuram rei memoriam.

Dubia Congregationis ab Archiep. Colonien. proposita.

§.1. Exponi Nobis nuper fecit Ven. Frater Archiepiscopus Colonien. Sacri Romani Imperii Princeps Elector quod

quod aliàs à Ven., & Fratibus nostris Sanctæ Romanæ Ecclesiæ Cardinalibus emanavit Decretum tenoris subsequentis, videlicet: Illustrissimi, & Reverendissimi Domini Pro parte Archiepiscopi Electoris Coloniensis supplicatur, per hanc Sacram Congregationem declarari. Primo. An Privilegium competens Episcopis assumendi in sui servitium duos Canonicos, habeat locum, non solum respectu Canonicorum Cathedralis Ecclesiæ, sed etiam Collegiata. Secundo. An procedat hoc, non obstantibus Constitutionibus Ecclesiarum juratis per Canonicos de residendo in illis.

Responsores.

Die 9. Septembris 1628. Sacra Congregatio Cardinalium Concilii Tridentini Interpretum, ad Primum respondit, Episcopos posse uti opera duorum Canonicorum, sive Cathedralis, sive Collegiata, eosque interim percipere posse, dum vacant Episcopi servitio, fructus Præbendæ, amissis distributionibus quotidianis, dummodo tamen ultra duos Canonicos Episcopi pro suo servitio eodem tempore non adhibeant. Ad Secundum: prædictas Ecclesiæ Constitutiones, etiam juratas minime obstare. N. Card. Ubaldinus Franciscus Paulinus Sac. Cong. Secretarius. Loco * Sigilli.

Dictus Archiepiscopus hujusmodi Decretum auctoritate apostolica rebotari petit.

Urbanus confirmat.

§.2. Cum autem, sicut eadem expositio subjungebat, dictus Archiepiscopus Decretum hujusmodi pro illius validitate, & subsistentia, necnon observantia firmiter, apostolica nostra confirmationis robore communiti summopere desideret, Nobis propterea humiliter supplicari fecit, ut in præmissis opportune providere de benignitate apostolica dignaremur.

Clausula.

§.3. Nos igitur eundem Archiepiscopum specialibus favoribus, & gratis prosequi volentes, hujusmodi supplicationibus inclinati, Decretum præinsertum apostolica auctoritate tenore præsentium approbamus, & confirmamus, illisque inviolabilis apostolica firmitatis robur adiciamus, ac omnes, & singulos tam Juris, quam facti defectus, si qui desuper quomodolibet intervenerint, supplemus.

Derogatio contrariorum.

§.4. Decernentes Decretum hujusmodi, necnon præsentis Literas valida, firma, & efficacia esse, & fore, suosque plenarios, & integros effectus sortiri, & obtinere, & ab omnibus, ad quos spectat inviolabiliter observari; Sicque per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Dat. die 7. Octobr. 1628. An. VI.

§.5. Non obstantibus Constitutionibus, & Ordinationibus Apostolicis, ceterisque contrariis quibuscumque.
Datum Romæ apud Sanctam Mariam Majorem, sub Annulo Piscatoris die septima Octobris 1628. Pontificatus nostri Anno VI.

Confirmatio Privilegiorum, & Indulgentiarum Ordini Fratrum Beate Mariæ de Mercede Redemptionis Captivorum concessorum.

Hunc Ordinem approbavit Gregor. IX. Constituit. XLII. Devotionis. Tom. III. fol. 284. Reformatis vero istius Ordinis transiitum ad Calceatos sive Sedis Apostolica licentia interdixit istemet Pontifex Constitutione CCLIII. Injuncti, ut supra fol. 100. Eidemque Ordini ut Missam, & Officium recitare valeant in die festo Sancti Raymondii Confessoris concessit Const. CLIII. Salvatoris Tom. V. Par. V. fol. 376.

URBANUS EPISCOPUS

SERVUS SERVORUM DEI

Ad perpetuam rei memoriam.

Exordium.

EX clementi Sedis Apostolicæ provisione, necnon personarum Deo devotarum sub Religionis jugo Domino militantium, pia devotione provenire dignoscitur, ut Romanus Pontifex quandoque per Prædecessores suos Romanos Pontifices pro personarum earumdem, locorumque illarum felici successu, & quiete concessa approbet, & confirmet, atque communiat, prout personarum earumdem, ac locorum, & temporum qualitatibus debite pensatis conspiciat in Domino salubriter expedire.

Multa a diversis Pontificibus huic Ordini concessa fuerunt privilegia.

§.1. Sane pro parte dilecti filii Ludovici Appariti modernis Procuratoris Generalis infra scripti Ordinis Beate Mariæ, Nobis nuper exhibita petitio continebat, quod cum inter omnes vite Regularis Ordines ille in primis conspicuus esse videretur, quem Beatissima Cælorum Regina ad Captivorum infidelium partibus misere servientium redemptionem Sancto Raymundo de Penafort, & clare memoriæ Jacobo Aragonum Regi, necnon quondam Petro Rolasco primo illius professori, dum vitam ducerent in humanis, singulari quodam miseracionis affectu sibi fore charissimum revelaverat, felicitis recordationis Callisti Papa III. Prædecessor noster illum certis Ordinibus ratione quarti voti, quo illius Fratres se infidelibus in captivorum redemptionem pignus fore devovent, & obstringunt, celsiorem, & perfectiorem vocavit, & hic ipse Ordo jam inde ab anno Domini millesimo ducentesimo decimo octavo, in Civitate Barchinonensi, ab eodem Jacobo Rege in die festo Sancti Laurentii Martyris, sub invocatione Beate Mariæ de Mercede, & Redemptione captivorum nuncupate institutus, & a pie memoriæ Gregorio Papa IX. etiam Prædecessore nostro. Nativitate Domini millesimo ducentesimo trigésimo, a revelatione vero prædicta duodecimo, Pontificatus autem sui octavo annis, in festivitate Sancti Antonii Abbatis confirmatus, iis pietatis incrementis in corporum, animarumque captivorum hujusmodi salutem, scilicet

eorum aliis redimendis, aliis instruendis, aliisque in fide corroborandis opere, & sermone in dies magis magisque effluit, ut quamplurimi Romani Pontifices similiter Prædecessores nostri, non minus primam illius originem calitus revelatam, quam pios hujusmodi progressus admirati innumeras propemodum in eum gratias, & privilegia, ex inexhausto Ecclesiæ Dei thesauro depromptas, Sedis Apostolicæ benignitate liberalissime contulerit.

Que Ordo supplicata Pontifice confirmat.

§.2. Quare pro parte dicti Ludovici, tam suo, quam universorum ejusdem Ordinis Professorum nominibus Nobis fuit humiliter supplicatum, quatenus privilegia hujusmodi pro firmiori illorum subsistentia apostolico munimine roborare, aliasque eis in præmissis, ut infra, opportune providere de benignitate apostolica dignaremur.

Prout modo approbat, & confirmat, dummodo factis Canonibus, & Concil. Trident. non adveniantur &c. suppletur omnes defecta.

§.3. Nos igitur dicti Ordinis Beate Mariæ, quem præ cæteris in visceribus gerimus charitatis, prosperum, & tranquillum statum paterno zelantes affectu, ac Ludovicum, & singulos Religiosos hujusmodi a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum harum serie absolventes, & absolutos fore censentes, hujusmodi supplicationibus inclinati; Omnia, & singula privilegia, & indulta, immunitates, exemptiones, libertates, prærogativas, antelationes, præmientias, licentias, facultates, concessionem, remissiones peccatorum, indulgentias, absolutiones, aliasque gratias universas per dictum Gregorium IX., & recolendæ memoriæ Gregorium XI., Innocentium IV., Innocentium VI., & Innocentium VIII., Alexandrum IV., & Alexandrum VI., Clementem IV., Clementem VI., & Clementem VII., Joannem XXII., Nicolaum III., Nicolaum IV., & Nicolaum V., Bonifacium VIII., Urbanum V., Martinum etiam V., Eugenium IV., Pium II., prædictum Callistum, Paulum II., Paulum III., & Paulum IV., Sixtum IV., Julium II., & Julium III., Leonem X. novissimæque, Sixtum V., Clementem VIII., & Paulum V., & alios quoscumque Romanos Pontifices Prædecessores nostros universo Ordini Beate Mariæ hujusmodi, & singulis illius Provinciis, Monasteriis, Prioratibus, Domibus, aliis regularibus locis, necnon Generali Magistro, illiusque sive ipsius Ordinis Vicario, seu Vicariis, Procuratoribus, Visitatoribus, Provincialibus, Redemptoribus Captivorum, Electoribus, Definitoribus, Commendatoribus, Vocalibus, aliisque Officialibus, quocumque nomine nuncupatis, & cæteris illius Fratibus, & Religiosis, & aliis personis quibuscumque, tam in genere, quam in specie, etiam per modum communicationis, extensionis, & ampliacionis, aliàs quomodolibet, & sub quibuscumque verborum formis, & expressionibus concessa, innovata,

confirmata, & approbata, & Literas Apostolicas desuper, tam in plumbo, quam in forma Brevis expeditas, quorum, & quarum omnium, & singulorum, ac singularum tenores, etiam si talia, seu tales forent, que specialem, & individuum mentionem requirerent, ac datis præsentibus, ac si de verbo ad verbum infererentur, pro plene, & sufficienter expressis haberi volumus, dummodo tamen sint in usu, & sacris Canonibus, & Concilii Tridentini Decretis, necnon Apostolicis Constitutionibus, & dicti Ordinis regularibus institutis non repugnent, illaque, & illa hætenus revocata, & revocate, ac sub aliquibus revocationibus comprehensa, & comprehensa non sint, apostolica auctoritate eorundem, tenore præsentium perpetuo approbamus, & confirmamus, illisque perpetuæ, & inviolabilis apostolicæ firmitatis robur adiciamus, omnesque, & singulos, tam juris, quam facti, & quarumcumque solemnitate de jure, usu, vel consuetudine, aut aliàs quomodolibet requisitarum, ac in præmissis omisarum, necnon quoscumque alios, etiam quantumvis substantiales defectus, si qui desuper quomodolibet intervenerint, dicta auctoritate supplemus.

Clausula præservativa, & Decretum irritans apponit.

§.4. Decernentes easdem præsentis semper, & perpetuo validas, & efficaces esse, & fore, suosque plenarios, & integros effectus sortiri, & obtinere, sicque ab omnibus, & singulis censeri, & ita per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales etiam de latere Legatos, dicta que Sedis Nuntios, judicari, & definiri debere, ac irritum, & inane, quicquid secus super his a quoquam, quavis auctoritate, scienter, vel ignoranter contigerit attentari.

Contraria tollit.

§.5. Non obstantibus præmissis, necnon prædicti Bonifacii Papæ Octavi pariter Prædecessoris nostri, de una, & in Concilio generali edita, de alia dietis, dummodo tamen non ultra tres dietas, quis vigore præsentium, ad iudicium trahatur, aliisque quibusvis Apostolicis, etiam in provincialibus, synodalibus, universalibusque Conciliis editis specialibus, vel generalibus Constitutionibus, & Ordinationibus, necnon dicti Ordinis B. Mariæ juramento, confirmatione apostolica, vel quavis firmitate, alia roboratis, statutis, & consuetudinibus, privilegiis quoque, indultis, & Literis apostolicis, illi, ejusque superioribus, & personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & efficacissimis, ac insolitis clausulis, irritantibusque, & aliis Decretis in genere, vel in specie, etiam Motu proprio, & consistorialiter, ac aliàs in contrarium quomodolibet concessis, confirmatis, & innovatis. Quibus omnibus etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales, idem im-

portantes mentio, seu quævis alia expressio habenda, aut aliqua alia exquisita forma, ad hoc servanda foret, illis aliis in suo robore permaneris, hac vice dumtaxat specialiter, & expresse, earum serie latissime, & plenissime derogamus, cæterisque contrariis quibuscumque.

§.6. Volumus autem, quod earumdem præsentium transumptis, etiam impressis, manuque, & sigillo pro tempore existentis Magistri generalis ipsius Ordinis B. Mariæ, seu illius Vicarii subscriptis, & munitis, eadem prorsus fides adhibeatur, tam in iudicio, quam extra illud, quæ eisdem præsentibus adhiberetur, si forent exhibitæ, vel ostensæ.

§.7. Per easdem præsentibus autem non intendimus, facultates dicti Magistri generalis circa Fratres ipsius Ordinis B. Mariæ Reformatos, seu Recollectos nuncupatos, in aliquo approbare.

§.8. Nulli ergo omnino hominum liceat hanc paginam nostræ absolutionis, confirmationis, roboris, adjectionis, defectuum suppletionis, decreti, derogationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac Beatorum Petri, & Pauli Apostolorum eius se noverit incursum.

Datum Romæ apud Sanctam Mariam Majorem anno Incarnationis Dominicæ, millesimo sexcentesimo vigesimo octavo, septimo Idus Octobris, Pontificatus nostri Anno VI.

CCLXXXVIII.

Excommunicatio contra extrahentes Sacras Reliquias, aut Libros ex Ecclesia, & Bibliotheca Collegii Sancti Francisci de Paula ad Montes Urbis Fratrum Minorum Nationis citerioris Calabriae.

De hoc Collegio vide in huius Pontif. Constit. VIII. Ex injuncto. Tom. V. Par. V. fol. 150.

URBANUS EPISCOPUS

SERVUS SERVORUM DEI

Ad perpetuam rei memoriam.

Uti, & honestis Christianis votis libenter annuimus, eaque favoribus prosequimur opportunis.

§.1. Exhibita siquidem Nobis nuper pro parte dilectorum filiorum modernorum Vicarii Generalis, & Fratrum Domus regularis Nationis Calabriae ad Montes nuncupatæ de Urbe Ordinis Sancti Francisci de Paula Minorum nuncupatorum petitio continebat. Quod in Ecclesia eorum Domus quampluribus diversorum Martyrum, ac Beatorum, & Sanctorum Reliquiarum, necnon in eisdem Domus Libraria, seu Bibliotheca diversi generis libri volumina, & alia scripta Ecclesiæ, & Domui huiusmodi

hinc inde pro majori divini cultus augmento, & Fratrum eorumdem spirituali consolatione, & profectu pie, & studiose comparata reperiantur; Et propterea ne successu temporis, tam Reliquias, quam libros, & volumina, seu scripta huiusmodi passim distribui, & inde asportari, ac disperdi contingat, pro parte eorumdem Vicarii, & Fratrum Nobis fuit humiliter supplicatum, quatenus in præmissis opportune providere, de benignitate apostolica dignemur.

§.2. Nos igitur prædictum Vicarium, & Fratrum huiusmodi singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & penis, a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat confectuum harum serie absolventes, & absolutos fore censentes, huiusmodi supplicationibus inclinati, eisdem Vicario, & Fratribus, eorumque Successoribus, & aliis personis quibuscumque, tam secularibus, quam regularibus, ne deinceps perpetuis futuris temporibus, ullas omnino Reliquias, nec Libros, seu Volumina, & Scripta huiusmodi ab Ecclesia, & Domo, seu Bibliotheca præfatis ullo modo amovere, transportare, distribuere, seu mutuo dare audeant, seu præsumant sub excommunicationis eo ipso incurrendæ sententia, apostolica auctoritate, tenore præsentium inhibemus, & præcipimus.

§.3. Decernentes ex nunc irritum, & inane, quicquid secus super his a quoquam quavis auctoritate scienter, & ignoranter contigerit attentari.

§.4. Non obstantibus quibusvis Apostolicis, & in Provincialibus, Synodalibus, Universalibusque Conciliis editis specialibus, vel generalibus Constitutionibus, & Ordinationibus, necnon Domus, & Ordinis huiusmodi, etiam juramento, confirmatione apostolica, vel quavis firmitate alia roboratis statutis, & consuetudinibus, cæterisque contrariis quibuscumque.

§.5. Volumus autem, quod Literæ præfentes, saltem semel quolibet anno in dicta Domo publicentur, ac illarum copia, & exemplar authenticum ad hoc, ut ad omnium notitiam pervenire possint, in Sacristia dictæ Ecclesiæ, ac Bibliotheca ejusdem Domus portis interioribus remaneant affixa.

§.6. Nulli ergo omnino hominum liceat hanc paginam nostræ absolutionis, inhibitionis, præcepti, decreti, & voluntatis infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo sexcentesimo vigesimo octavo, pridie Kalendas Novembris, Pontificatus nostri Anno VI.

Facul-

Transumptis fidem a dhiberi mandata.

Facultates Generales in Fratre Reformatos non intendit approbare.

Sanctionem penalem fuerat.

Dat. die 9. Octobr. 1628. An. VI.

Inhibitione, de qua in rubric.

Decretum irritans.

Derogatio coarctationum.

Publicatio, & affixio facienda in Collegio.

Sanctio penalit.

Dat. die 11. Octobr. 1628. An. VI.

CCLXXXIX.

Ex Regest. in Secret. brev.

Facultas Provincia Romandiola Præsidi removendi Flumen Rhenum a suo cursu illudque derivandi ad loca Bondeni, & Gambaroni.

Ven. Fratri Octavio Archiepiscopo Tarfensi. Provinciae nostræ Romandiola Præsidi.

URBANUS PAPA VIII.

Ven. Frater salutem, & Apostolicam benedictionem.

Exordium.

Assidua de nostris, & Sanctæ Romanæ Ecclesiæ subditis cura, & sollicitudo, necnon præcipuus, quo eos complectimur paternæ charitatis affectus postulat, ut inter cæteras apostolicæ servitutis curas in eam peculiari studio incumbamus, qua eorumdem subditorum incommodis, damnisque, & jacturis obviam itur, illorumque utilitati, & securitati opportunis rationibus consulitur.

Referret, quæ a Card. S. Clementis iussu Clem. VIII. gesta fuere.

§.1. Cum itaque, sicut accepimus, aliàs cum felicis recordationis Clemens Papa Octavus Prædecessor noster Civitatem nostram, tunc suam Ferrariensem, ejusque Territorium, nec non Agros Provinciae Romandiola, & Comitatus nostrorum, tunc suorum Bononiensium, a periculis, quæ illis ex aquarum inundationibus imminabant, eximere, & liberare decrevisset, & opus huiusmodi curæ, & fidei bonæ memoriæ Francisci tituli Sancti Clementis Presbyteri Cardinalis inherendo mandatis dicti Clementis Prædecessoris, & in vim facultatum sibi ab eo per suas in simili forma Brevis sub die 12. Augusti 1604. expeditas Literas concessarum, Flumen Rheni e solito, & naturali suo alveo eduxerit, & in Vallem Sancti Martini nuncupatam, introduxerit, sive derivaverit, ad effectum, ut ibidem tandiu remaneret, donec Aqua Padi Lombardiæ in alveum a Stellata, seu alio opportuniore loco ad loca Primari, & Volanæ juxta peritorum designationem deducendum, in ea quantitate, & sufficientia introducta esset, ut alveum ipsum usque ad prædicta loca Primari, & Volanæ purum, & exurgatum conservare, ac turbidas aquas Fluminis Rheni deducere, & expellere posset, ea tamen intentione, ut tunc ipsum Flumen Rheni in loco a peritis approbando, in eundem alveum a dicto Stellata, usque ad Primari, & Volanæ loca huiusmodi expurgandum restitui valeret.

§.2. Processu vero temporis Flumen prædictum Vallem ipsam terra adeo repleverit, ut majori periculo versus Civitatem Ferrariensem, prædictam aquis turbidis profuaret, & gravioribus Provinciam Romandiola, ac Comitatum Bononiensem, prædictis ruinis, jacturisque affligat, cum certo, atque evidenti non modo dictæ Civitatis Ferrariensis, verum etiam Polesini, Sancti Georgii nuncupat., & Vallis Comaclen. periculo adeo, ut hodie Civitas nostra Ferrariensis, non solum totum, & integrum Territorium, quod habet in parte dextera Padi nuncupati Ferrariensem, versus agrum Bononiensem, & Provinciam Romandiola, utpote aquis submersum, amiserit, sed etiam brevi sui ipsius, & Polesini, S. Georgii, una cum Civitate nostra Comaclen., & illius Vallibus inevitabilem submersionem, ac totalem devastationem subitura videatur: Ager vero Provinciae Romandiola, & Comitatus nostrorum Bononiæ nedum fere totus submersus, & aquis, ac uliginibus Vallium sterilibus, & incultus redditus reperitur, sed in dies magis, & magis, si quid sani, ac fertilibus habet, submergatur, & in deteriorem statum reducatur.

Causæque iterum expurgandi alveum Fluminis Rheni.

§.3. Nos, qui tot, & tanta nostrorum subditorum præterita, & præsentia, ac futura pericula, & detrimenta absque ingenti animi nostri dolore audire non possumus, paternæ sollicitudine, tam illis, quam ejusdem Civitatis securitati, agrorumque, & locorum Provinciae, & Comitatus prædictorum ab inundationibus fluminis Rheni huiusmodi, damnisque innumerabilibus exinde provenient. liberationi, quantum Nobis ex alto conceditur, providere volentes, quousque alveus prædictus a loco Stellata, seu alio opportuniore, usque ad loca Volanæ, & Primari prædicta excavatus, expurgatus, ac perfectus erit, & aqua Padi Lombardiæ in eundem alveum ejus quantitate introducta fuerit, ut illum excavatum, & expurgatum manuteneat, & conservare possit, & valeat Motu proprio, & ex certa scientia, ac matura deliberatione nostris, Tibi dictum Flumen Rheni a suo cursu ordinario in Territorio Bononiensem, & loco Mirabe Illi vulgo nuncupat. removere, ac per lineam rectam ad locum Bondeni, & per illum ad locum Gambaroni similiter nuncupat., & ex hoc, vel unitum, vel separatim cum Flumine Panaro, ad Flumen Padi magni, & locum la Stellata pariter nuncupatum juxta ipsius lineæ typum, qui tibi cum præsentibus iussu nostro transmittitur, sive ad quemcumque alium locum, qui Tibi videbitur, & placuerit, deducere, & derivare libere, & licite possis, & valeas, apostolica auctoritate, tenore præsentium, potestatem, & auctoritatem concedimus, & impertimur.

§.4. Dantes Tibi plenam, liberam, & amplam facultatem dictum Flumen Rheni non solum in prædicto Mirabe Illi, verum etiam in alio quocumque loco territoriorum Bononiensium, & Ferrariensium huiusmodi, ut præferatur, removendi, & per quacumque eorumdem Territoriorum loca in quacumque Valle, seu quocumque alio Flumen, aut quemcumque locum, quæ, seu quod, vel qui tibi magis expedire videbitur, & placuerit, deducendi, & derivandi.

§.5. Et ad hunc effectum quoscumque alveos, & quascumque fossas, & excavationes in præmissis necessarias, & opportunas facien., in longitudine, latitudine, profunditate, & in quibuscumque locis, necnon

Facultates Archiepiscopi Tarfensis illud ad locum Bondeni, seu ad alium deducendi.

Illudque, vel aliud quocumque Flumen extendendi ad quoscumque loca Territoriorum Bononiensium, & Ferrariensium.

Possitasque necessarias faciendi.

Quocumque aggeres, ubicumque opus fuerit, in altitudine, latitudine, & longitudine prout expediens tibi visum fuerit, omniaque, & singula desuper necessaria, & opportuna faciendi, constituendi, mandandi, & exequendi respective.

Et quocumque cogendi ad manum operi admoventiam

Allaque hic expressa faciendi.

§.6. Necnon pro illorum executione omnes, & singulos etiam Ecclesiasticos seculares, & regulares cuiusvis Ordinis, qui ex praedicto opere commodum sentiant, ut expensas pro hoc opere necessarias faciant, contribuunt, ordinandi.

§.7. Et desuper opportunas taxas, & repartitiones faciendi, illasque exequendi, utque utilitas, & beneficium, quod exinde cuiquam interesse habentium proventurum est, facilius dignosci valeat, ad effectum, ut pro sua rata tantum quisque supradictorum in huiusmodi expensas concurrat, altitudinem aquarum, & terminos, quos attingunt, cum interventu interesse habentium, vel etiam illis, & aliis quibuscumque citatis, vel non citatis tam laicis, quam etiam ecclesiasticis, & regularibus mensurari faciant, ac Terras, & bona etiam ecclesiasticorum, ut supra, & aliorum cuiuscumque status, conditionis, qualitatis, & praeminentiae etiam quacumque dignitate, & auctoritate fulgentium, ac speciali mentione, & nota dignorum in Territorio Ferrarient., Bononien., & Romandiolae nunc palustris, aut tumentia, sive inundationibus huiusmodi obnoxia, terras, & bona habentium describendi, & designandi, & ab aliis bonis huiusmodi detrimentis minime obnoxii separari, ac pro modo, & ratione utilitatis, quae dictis bonis sic descriptis, & designatis proveniet, sive ex eo, quod ex opere huiusmodi facilius ad culturam, reduci, vel alias redacta, nunc faciliora, uberiora, & utiliora reddi, vel ex eo quod ab aquarum incursionibus, & inundationibus tutiora, & securiora remanere, aut aliud quodvis commodum, & utilitatem ex opere huiusmodi consequi possent, pro modo, & rata, & qualitate commodi, & utilitatis expensas huiusmodi inter eos, & singulos possessores dictorum bonorum, adhibito peritorum ad hoc electorum, seu eligendorum iudicio, & tuo arbitrio statuendi, dividendi, & partiendi, eosdemque ad realem, & effectivalem satisfactionem cogent., & compellent.

Officiales ad hoc opus necessarios eligendi.

§.8. Necnon ultra dictos Peritos, quocumque officiales in hoc opere faciendi necessarios arbitrio tuo huiusmodi eligendi, & illos quocumque, & quotiescumque opus fuerit mutari, provisiones, & mercedes quibuscumque personis, non tamen Architecto, nec Congregationis Ven. Fratrum nostrorum S.R. E. Cardinalium super aquarum negotio huiusmodi Secretario hactenus assignatas, annullandi, & cassandi, & alia quaecumque circa praemissa omnia, & singula quomodolibet necessaria, seu opportuna faciendi, ordinandi, mandandi, & exequendi, ac quaecumque causas etiam circa personas ecclesiasticas, ut supra, tam Civiles, quam Criminales ad huiusmodi opus spectantes, aut ab eo dependentes, & emer-

gen. summarie, simpliciter, & de plano, sine strepitu, & figura iudicii manu regia, nulloque juris ordine servato, ac omni, & quacumque appellatione, recurso, & reclamatione postpositis, ita ut si appellari, aut recurri contingat, non ad alium, quam ad Nos, aut Romanos Pontifices successores nostros appelletur, & recurratur, & nihilominus nec processus causa, nec operis praedicti prosequutio, aut integra eius executio aliquo modo impediatur, retardari, aut differri, vel suspendi possit vigore cuiusvis appellationis, aut recursum etiam ad Nos, & Sedem Apostolicam, aut cuiusvis inhibitionis, nisi commissio manu nostra, aut Romani Pontificis successoris nostri pro tempore existentis signata fuerit cum hac expressione, quod executio suspendatur, necnon etiam intra limites Legationum Ferrariae, & Bononiae, aut alibi, ubicumque opus fuerit, audient., cognoscent., terminant., & decident., cum potestate quos, & quibus opus fuerit, etiam sub censuris, & poenis ecclesiasticis citandi, & inhibendi privative quoad alios quocumque Iudices ordinarios, & delegatos etiam S. R. E. Cardinales etiam de latere legatos, necnon quocumque Commissarios, & Iudices in quibuscumque locis tibi benevisis toties quoties tibi videbitur, qui casus huiusmodi cognoscant, & terminent, & alia necessaria faciant, & exequantur cum simili, vel limitata facultate deputant., ac etiam quibuscumque Gubernatoribus, Officialibus, & aliis Apostolicae Sedis Ministris ubicumque existentibus, atque Communitatibus, Universitatibus, ac etiam particularibus personis in Territoriis Ferrarient., Bononien., & Provinciae Romandiolae, & ipsarummet Civitatum Bononien., & Ferrarient., ut omnia, & singula per te circa praemissa ordinanda, & statuenda, debite executioni demandare procurent, auctoritate nostra, mandandi, ac inobedientes opportunis iuris, & facti remediis, quacumque appellatione, & recurso postpositis, cogent., & compellendi, unumque, vel plures Depositariorum, & Exactorum Taxarum per te, & tuo mandato faciendarum ab interesse habentibus supradictis exigendarum deputant.: utque fideliter in opus praedictum, & non in alium usum exponantur ab eisdem Depositariis, seu Exactoribus idoneam cautionem recipiendi. Insuper pro felici huiusce operis prosecutione, & expeditione non solum praedicta omnia, & singula, ac decreta dicti Clementis Praedecessoris desuper edita, & in illis praescripta quaecumque non servandi, & ab eis recedendi, verum omnia, & singula, etiam in eis non contenta, & quae tibi quomodolibet necessaria, & opportuna videbuntur, etiam si talia sint, vel fuerint, de quibus specialis, specifica, & expressa mentio habenda foret, nec non etiam ea, quae Ven. Fratres nostri S. R. E. Cardinales super aquis huiusmodi deputati facere possint, faciendi, dicendi, gerendi, & exequendi cum hoc, quod de faciendis, gerendis, & exequendis per Te vigore praesentium nemini preterquam soli Deo ratione reddere tenearis.

Et

Mandatum de parento.

Derogatio concautionum

Iudices Ecclesiastici ad hoc deputati in suspensionem non incident in criminalibus procedenda.

Dat. die 4. Novem. 1628 An.VI.

Ex Regis. in Secret. Mew.

Litterae Pauli Quinti recensae, quibus concessa Philippo II. fuerat quaedam pecunia ab Ecclesiasticis Sardiniae exigere.

§.8. Et nihilominus dilectis filiis Gubernatoribus, Officialibus, & Ministris, necnon Communitatibus, Universitatibus, & particularibus personis quibuscumque, ceterisque, ad quos spectat, & spectabit, ut Tibi in omnibus prompte obediant, tuaque iussa exequantur per praesentes praecipimus.

§.9. Non obstantibus quibuscumque Constitutionibus, & Ordinationibus Apostolicis, ac quarumcumque Civitatum, Terrarum, & locorum, etiam Juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis quibuscumque ex supradictis Communitatibus, Universitatibus, necnon Collegiis, Monasteriis, & locis piis, ac personis tam ecclesiasticis, quam secularibus cuiuscumque gradus, ordinis, & conditionis existentibus, sub quibuscumque tenoribus, & formis, ac cum quibuscumque clausulis, & decretis in contrarium praemissorum quomodolibet concessis, confirmatis, & approbatis. Quibus omnibus, & singulis, eorum tenores praesentibus pro plene, & sufficienter expressis, ac de verbo ad verbum insertis habentes, illis aliis in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

§.10. Volumus autem, ut tam tu, quam tui Ministri quicumque in praemissis adhibendi, qui Clerici extiterint, in negociis, & causis criminalibus ratione eorumdem praemissorum vos immiscendo nullam propterea censuram ecclesiasticam, aut irregularitatis notam incurratis, dummodo a sententia sanguinis per vos ipsos feren. abstinere.

Datum Romae apud S. Mariam Majorum, sub Annulo Piscatoris die quarta Novembris 1628. Pontificatus nostri Anno VI.

CCXC.

Confirmatio Litterarum Pauli PP.V. quibus Indultum Hispaniae Regi fuit concessum quaedam pecunia ab Ecclesiasticis Regni Siciliae exigendi.

Dilectis filiis universo Clero Regni Sardiniae.

URBANUS PAPA VIII.

Dilecti filii salutem, & apostolicam benedictionem.

§.1. A Liàs a fel. rec. Paulo Papa V. Praedecessore nostro emanarunt litterae tenoris subsequentis, videlicet. Dilectis filiis universo Clero Insulae Sardiniae. Paulus PP. V. Dilecti filii salutem, & apostolicam benedictionem. Dudum, sicut Nobis nuper exponi fecit charissimus in Christo filius noster Philippus Hispaniarum Rex Catholicus, fel. rec. Gregorio Papae XIII. Praedecessori nostro pro parte clari mem. Philipp. Bull. Reg. Tom. VI. Par. I.

pi Hispaniarum etiam Regis Catholici genitoris sui tunc in humanis agentis exposito, quod occasione parlamenti, quod singulis certis annis in Sardinia Regno, ad communem illius utilitatem, convocari solet, necessariae quaedam expensae sustineri, & subsidia praestare consueverunt, in quibus supportandis ecclesiasticae quoque persona ab immemorabili tempore citra semper contribuere solite fuerant: sed quia de Sedis Apostolicae licentia minime constabat, & ideo ab aliquibus dubitari probabiliter poterat, an dictus Philippus Rex a vobis etiam sponte solventibus, pecunias exigere, & vobis illas solvere liceret, eidem Praedecessori praedictus Rex supplicari fecit, ut tam suae, quam vestrarum conscientiarum securitati consulere dignaretur. Ideo dictus Praedecessor ad omnem scrupulum ex animis vestris dimovendum, tam Regi praedicto, ut contributiones huiusmodi occasione parlamenti per vos tunc faciendas exigere, seu exigi facere, quam vobis, ut illas iuxta solitum, & consuetum solvere licite valeretur, apostolica auctoritate concessit, & indulgit. Cum autem, sicut eadem expositio subijungebat, expensae praedictae praeteritis annis creverint subsidia quoque praedicta, & contributiones ad viginti quinque millium ducatorum summam aucta fuerunt.

Quare Nobis idem Philippus Rex humiliter supplicari fecit, ut concessionem, & Indultum dicti Praedecessoris extendere, ac tam suae, quam vestrarum conscientiarum securitati similiter consulere de benignitate apostolica dignaremur. Nos igitur huiusmodi supplicationibus inclinati, tam Regi praedicto, ut contributiones huiusmodi occasione dictorum parlamentorum, quae quolibet decennio haberi Nobis pariter expositum fuit, ut praefertur, auctas, per vos faciendas exigere, seu exigi facere, quam vobis, ut illas infra solitum, & consuetum, ut praefertur, solvere licite valeatis, auctoritate apostolica, tenore praesentium, pro tribus parlamentis proximis tantum concedimus, & indulgemus. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Tusculi sub Annulo Piscatoris die 13. Octobris 1607. Pontificatus nostri Anno III.

§.2. Cum autem, sicut carissimus in Christo filius noster Philippus Hispaniarum Rex Catholicus Nobis nuper exponi fecit, in Parlamento in eodem Regno de annis 1614., & 1624. convocatis, subsidia, & contributiones huiusmodi ad aliam summam viginti quinque millium Ducatorum aucta fuerint, ita ut illa cum aliis in praefertis dicti Pauli Praedecessoris Litteris expressis insimul summam centum, & quinquaginta millium ducatorum huiusmodi constent: Nobis propterea dictus Philippus Rex humiliter supplicari fecit, ut concessionem, & Indultum eiusdem Pauli Praedecessoris ad posteriorem summam viginti quinque millium ducatorum huiusmodi extendere, ac tam suae, quam conscientiarum vestrarum sequi.

Philippus IV. eas petit cond. firmari.